



Doris Jakobsen Jensen
Inatsisartunut ilaasortaq, Siumut

Oqaatsuni katersortarfik pillugu § 37 naapertorlugu apeqputip nr. 184/2022-p akineqarnera

18-10-2022
Sagsnr. 2022 - 20040
Akt nr. 21411053

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Doris J. Jensen,

Inatsisartut suleriaasiat naapertorlugu apeqquteqaatinnut qujanaq. Apeqqutigineqartut tullinnguuttuni akissuteqarfigneqassapput.

Apeqput 1: Oqaatsuni katersortarfiup kallerup innerata akilerneqartarnera Namminersorlutik Oqartussat imal. Avannaata Kommuniata akisussaaffigaa?

Akissut: Kultureqarneq aamma sunngiffimmi sammisassaqaartitsineq pillugu akisussaaffinnik agguataarineq pillugu isumaqatigiissut atuuttoq naapertorlugu Oqaatsuni katersortarfiup innaallagissamik atuineranut akiligassaq kommunip isumagisassaraa.

Ataatsimoortumik tapiissutinik agguariaatsip allanngortinnera sioqqullugu nunatsinni kommunit tapiissutisarpur immikkoortunut soorlu "Meeqqat atuarfianut" aamma "Sunngiffimmi sammisassaqaartitsinermut". Konto pingaarneq 40.05 Kommuninut ataatsimoortumik tapiissutit; atuarfeqarfimmur, sunngiffimmi sammisassaqaartitsinermut, atuakkanik atorniartarfinnut aamma inunnik qaammarsaanermut 1995-imeertumit allassimavoq, "Tapiissutit matussusissavaat kommunit aningaasartuutaat sunngiffimmi sammisassaqaartitsineq pillugu Inatsisartut peqqussutaat nr. 5, 9. april 1992-imeersoq naapertorlugu suliassanut assigiinngitsunut taannalu kommuninut isumagisassatut inissinneqarsimavoq". Suliassat ilaagaat katersortarfiit, tak. sunngiffimmi sammisassaqaartitsineq pillugu Inatsisartut peqqussutaat nr. 5, 9. april 1992-imeersumi § 37 imm. 3, tassani allassimavoq ingerlatsinermut aningaasartuutit kommuninut isumagineqassat, kisiannili taamani Naalakkersuisut tapiissuteqartassapput sanaartornermut aamma pequsersuinermut, tak. § 38, imm. 3.

Kulturikkut ingerlatsineq sunngiffimmilu sammisassaqaartitsineq pillugit Inatsisartut inatsisaat nr. 5 6. juni 2016-imeersumi § 3-mi allassimavoq, kommunalbestyrelse kultureqarnermut sunngiffimmilu sammisassaqaartitsinermut kommunimi pingaarnertut akisussaasuusooq, taamaattumillu kultureqarnermut sunngiffimmilu sammisassaqaartitsinermut anguniakkat aamma sinaakutissat kommunimi innuttaasut ineriartornissaat, ingerlatsinissaat aamma kultureqarnermi neqeroorutinik assigiinngisitaartunik periarfissaqarnissaat tunaartaralugu. Aningaasaqarnikkut

allaffissornikkullu pisortanut kingunerisassaasat pillugit immikkoortumi, Inatsisartut inatsisaannut nalinginnaasumik oqaaseqaatini aamma allassimavoq, siunnersuut pisortanut aningaasaqarnikkut allaffissornikkullu kinguneqassanngitsoq, siunnersuullu tassaasoq Naalakkersuisut kommunalbestyrelsillu akornanni akisussaaffinnik agguataarinerup Kultureqarnermut sunngiffimmilu sammisassaqartitsineq pillugu peqqussummi aalajangersakkanik ingerlatitseqqiinerusoq.

Ataatsimoortumik tapiissuteqariaatsimi nutaami mikusualuit aalajangersarneqarneq ajorput, kommunit tulleriarinissaq akisussaaffigimmasuk, kisiannili tamanna kommunit pisussaaffigaat, tassami tapiissutit peerneqanngisaannarneqarsimapput, kommuninulli ataatsimoortumik tapiissutinut tamarmiusumut ilaatinneqarlutik.

Apeqqu 2: Akisussaaffik saqitsaassutaappat aaqqiiffiginarlugu qanoq Naalakkersuisut pilersaaruteqartoqarpa?

Akissut: Naalakkersuisut nalilerpaat, kommunit oqartussaaffiat pineqartoq, tak. apeqqu 1-imut akissut. Naalakkersuisut kommunit attavigissavaat pineqartup erseqqissarnerunissaa siunertarlugu.

Inussiarnersumik inuulluaqqusillunga



Peter Olsen